



Forvarnarstefna ML

Forvarnastefna Menntaskólans að Laugarvatni hefur einkunnarorðin:

Fræðsla - Aðhald - Umhyggja

Markmið

Skólinn vill stuðla að heilbrigðum lífsháttum og jákvæðri lífssýn nemenda sinna og vinna gegn hverskyns sjáfseyðandi hegðun.

Leiðir

Markmiðum þessum hyggst skólinn ná með því að:

- Hafa sérstakan forvarnafulltrúa sem annast skipulagningu forvarnastarfs skólans.
- Forvarnafulltrúi:
- Er boðberi forvarna innan skólans. Hann er talsmaður ákveðinna hugmynda gagnvart stjórnendum, starfsmönnum, nemendum og forráðamönnum.
- Miðlar upplýsingum til nemenda og aðstandenda þeirra með viðtalstímum, upplýsingabanka og fræðslufundum.
- Vinnur að stefnumörkun skólans í forvarnarmálum í samráði við aðra starfsmenn.
- Gerir forvarnaáætlun fyrir starfstímabil skólans og er ábyrgur fyrir framkvæmd hennar.
- Aðstoðar við samþættingu forvarna við annað skólastarf, t.d. kennslu og félagslíf.
- Hefur inngrip í mál nemenda þar sem íhlutunar er þörf og metur hvert tilfelli fyrir sig.
- Gætir trúnaðar gagnvart skjólstæðingum sínum.
- Starfar með forvarnateymi sem er honum til ráðuneytis.
- Standa fyrir forvarnafræðslu fyrir nemendur, starfsmenn skólans og aðstandendur nemenda.

Forvarnafulltrúi hefur umsjón, í samvinnu við kennara, með allri fræðslustarfsemi um tóbak, áfengi og önnur vímuefni. Hann kemur á framfæri upplýsingum um niðurstöður rannsókna á stöðu og líðan unglinga, samskipti og fræðslu um fyrirbyggjandi þætti varðandi áhættuhegðun o.fl.

- Fræðslan er fyrir þrjá markhópa; nemendur, starfsmenn skólans og aðstandendur nemenda.
- Allir starfsmenn hljóti menntun og þjálfun í að þekkja einkenni, sem nemendur í vanda bera oft með sér, og viti hvert vísa á slíkum málum.
- Haldin verði reglulega umræða- og fræðslu með og við foreldra um forvarnir skólans á heimasíðu skólans. Viðtalstímar forvarnafulltrúa verða vel kynntir meðal nemenda og foreldra.



- Ýmsir aðilar verði fengnir til að sjá um fræðslu fyrir nemendur. Jafnframt fræðslu um áhættu af neyslu fíkniefna sé lögð áhersla á að kynna aðra valkosti og lífshætti þar sem neysla fíkniefna á ekki við eða er ekki eftirsóknarverð.

Reyna að koma í veg fyrir eða seinka reykingum, áfengisdrykkju og neyslu annarra fíkniefna.
Unnið verði að því með:

- Fræðslu um langtímaskaðsemi tóbaks, áfengis og annarra fíkniefna.
- Skýrum reglum um umgengni um ávana- og fíkniefni og viðurlögum við brotum á þeim.
- Námskeiðum fyrir þá sem vilja hætta að reykja.
- Framboði og fræðslu um aðra valkosti sem veita upplifun, s.s. áreynslu í íþróttum, ferðamennsku, listiðkun (söng, dans, leiklist), klúbbastarfsemi og jákvætt félagslíf, glímu við gátur og þrautir og önnur viðfangsefni sem stuðla að aukinni lífsnautn og lífsgleði.
- Hvatningu til nemenda til að taka þátt í hjálparstarfi s.s. björgunarsveita eða öðru starfi þar sem nemandinn finnur að hann getur látið gott af sér leiða.
- Stuðningi við hvers konar áhugamál sem gætu aðstoðað einstaklinginn við að lifa innihaldsríku lífi.

Stuðla að viðburðum á vegum skólans og félagslífi nemenda sem einkennast af heilbrigðum lífsháttum og efla lífsgleði.

- Tómsundastarf og skemmtanalíf án vímuefna verði styrkt í sessi með því að skólinn gangist fyrir sérstökum uppákomum, s.s. danskennslu og vímulausum skemmtikvöldum.
- Taka þátt í, með húsbónda, og undirbúa vorferð með nemendum.

Setja skýrar reglur um til hvers sé ætlast af nemandanum varðandi umgengni um ávana- og fíkniefni og hver séu viðurlög við brotlegri hegðun.

Reglur skólans í forvörnum eru:

- Skólinn er reyklus. Nemendum og starfsmönnum er óheimilt að reykja eða nota tóbak í húsnæði skólans eða á lóð hans.
- Neysla áfengis eða annarra vímuefna er stranglega bönnuð í húsnæði skólans. Sé nemandi uppvís að neyslu vímuefna innan skólans er honum skilyrðislaust vikið úr skóla tímabundið eða alfarið. Skólinn mun hlutast til að viðkomandi leiti sér aðstoðar sérfræðinga vegna vanda hans sé slíkt um að ræða að mati stjórnenda. Stjórnendur geta veitt nemandanum rétt til prófþátttöku þrátt fyrir brottvísun úr skóla.
- Á skólaskemmtunum og ferðalögum í nafni skólans ber nemendum að sýna góða hegðun. Ósæmileg hegðun, svo sem ölvun, getur varðað brottvísun úr skóla eftir eðli máls og vinnureglum.



- Öllum alvarlegri málum, svo sem sölu, dreifingu eða milligöngu um sölu ólöglegra fíkniefna er umsvifalaust vísað til lögreglu. Skólameistari ákveður hvort nemanda sé vísað úr skóla á meðan rannsókn fer fram.
- Allar auglýsingar frá vínveitingahúsum, „pöbbum“ eða öðrum slíkum stöðum eru bannaðar í húsnæði skólans. Á það bæði við um skólahús og heimavistir.
- Bannað er að hafa hverskonar umbúðir utan af áfengi á herbergjum heimavista sem og annars staðar í húsnæði skólans.
- Öllum sem tilheyra skólanum – nemendum, foreldrum/forráðamönnum þeirra sem og starfsmönnum ber að láta forvarnafulltrúa vita strax ef þeir verða varir við fíkniefnaneyslu eða aðrar sjálfseyðandi gjörðir hjá einhverjum.
- Skólameistari, í samráði við skólaráð, ákveður hvernig tekið er á brotum á fyrrgreindum reglum skólans. Íhlutun skal vera skýr og samræmd. Að öðru leyti er vísað í heimavistareglur skólans.

Gera áætlun um viðbrögð til að aðstoða ungmenni sem eru í áhættuhópi.

- Stofna stuðningshópa fyrir nemendur í áhættuhópi.
- Skilgreina tilvísunaraðila innan og utan skólans þegar íhlutunar er þörf og stofna til tengsla við þá, s.s.:
- Námsráðgjafa.
- Almenna heilsugæslu.
- Sálgæslu og áfallahjálps prests eða djákna.
- Sálfræðing.
- Meðferðaraðila.

Taka þátt í að samstillta krafta þeirra sem vinna gegn áfengis- og fíkniefnanotkun í umhverfi nemenda sinna.

- Forvarnafulltrúi og forvarnateymi séu í beinu sambandi við og fái hugmyndir frá m.a.:
- Fræðslumiðstöð í fíknivörnum, FRÆ.
- Forvarnastarfi á vegum menntamálaráðuneytis.
- Forvarnastarfi á vegum Bláskógabyggðar.
- Forvarnaumræðu á vegum samtaka skólastjórnenda.
- SÁÁ, samtök áhugafólks um áfengis- og vímuefnavandann.
- Lögreglu.
- Kirkju.

Forvarnarstefna þessi skal endurskoðuð árlega.